

Untuk Edaran Segera

**SIARAN AKHBAR**

1 November 2023

**Inisiatif K.A.M.I. di bawah program CIMB Islamic Safe Space berjaya memupuk 40 penyokong rakan sebaya baharu**

Teach For Malaysia (“TFM”) dengan kerjasama Thrive Well dan CIMB Islamic Bank Berhad (“CIMB Islamic”) telah berjaya melatih seramai 40 pembimbing rakan sebaya baharu melalui inisiatif K.A.M.I. (“Keluarga Akrab Mencapai Impian”), yang terdiri daripada belia dan ibu bapa di bawah program *CIMB Islamic Safe Space*.

Bermula sejak tahun 2020, program ini adalah bertujuan untuk membekalkan pembimbing rakan sebaya dalam kalangan belia dan ibu bapa dengan pengetahuan asas mengenai pertolongan cemas kesihatan minda, di samping melengkapkan mereka dengan daya tahan emosi dan kemahiran mendengar yang diperlukan sebagai bantuan awal kepada mereka yang mengalami krisis minda sebelum disalurkan kepada bantuan profesional. Program *CIMB Islamic Safe Space* diwujudkan sebagai tindak balas terhadap peningkatan masalah kesihatan minda yang melanda negara di kemuncak pandemik, terutamanya mereka yang terdiri daripada golongan berpendapatan rendah yang tidak mempunyai akses kepada perkhidmatan kesihatan minda profesional.

Setakat ini, inisiatif K.A.M.I. di bawah program *CIMB Islamic Safe Space* telah memberi kesan positif kepada kira-kira 500 keluarga berpendapatan rendah di daerah Shah Alam. Tahun ini sahaja, inisiatif ini telah berjaya merekodkan lebih 60 jam latihan kepada ibu bapa dan remaja dalam kemahiran asas kesihatan minda dan menjalankan 70 jam pemeriksaan kesediaan sekolah untuk murid-murid sekolah. Pada tahun 2022, program ini telah menjalankan latihan selama 50 jam. Usaha lain di bawah Program CIMB Islamic pada tahun 2023 termasuk program bantuan komuniti, di mana sukarelawan daripada CIMB Islamic bersama wakil-wakil daripada Thrive Well dan TFM mengedarkan 180 pakej penjagaan kesihatan minda kepada komuniti Taman Bukit Subang termasuk barang alat tulis, makanan dan minuman serta kit untuk mengurangkan tekanan.

“Saya telah menghantar tiga anak saya ke program K.A.M.I. Juara sejak dua tahun lalu dan setakat ini, saya nampak kesan positif yang program ini telah berikan kepada anak-anak saya dalam konteks harga diri, keyakinan diri dan prestasi mereka di sekolah. Kini, mereka lebih berani untuk bercakap di dalam kelas dan bertanya kepada guru mereka mengenai keperluan dan kemauan mereka,” kata N.J., ibu bapa dan peserta K.A.M.I. Sembang - program ibu bapa.

“Melalui program ini, kami menitikberatkan kewujudan ruang yang selamat untuk semua kerana program ini merangkumi topik-topik yang sensitif seperti kes buli, kecelaruan dan keresahan, konflik keluarga dan bagaimana ia menjelaskan kesihatan minda kita. Para

peserta juga dikehendaki untuk menganjurkan hari komuniti untuk meningkatkan kesedaran tentang kesihatan minda. Kami dapat melihat perbezaan yang ketara dalam tahap keyakinan dan kemahiran komunikasi mereka sebelum dan selepas program,” kongsi Ellisha Othman, Pengarah Urusan dan Psikologi Klinikal dari Thrive Well.

Ahmad Shahriman Mohd Shariff, Ketua Pegawai Eksekutif, CIMB Islamic berkata, “CIMB Islamic mengambil berat tentang kepentingan memelihara kebajikan masyarakat sekeliling. Kami menyedari bahawa bantuan dan tumpuan perlu diberi bukan sahaja kepada mereka yang memerlukan sokongan kesihatan minda, tetapi juga keluarga terdekat mereka. Oleh itu, kami berbesar hati melihat inisiatif K.A.M.I di bawah program *CIMB Islamic Safe Space* memberi impak positif kepada ramai individu setakat ini dan kami berharap untuk terus memainkan peranan aktif dalam memastikan akses kepada penjagaan kesihatan minda tersedia untuk semua lapisan masyarakat.”

Inisiatif K.A.M.I. terdiri daripada tiga peringkat iaitu Asas, Lanjutan dan Duta. Kini, kohort semasa telah berjaya menamatkan tahap Lanjutan dan lebih separuh daripada peserta juga telah berjaya menamatkan peringkat tahap Asas. K.A.M.I. bertujuan untuk membina kesedaran diri, ketahanan emosi dan komunikasi yang sihat dalam keluarga. Seramai 40 graduan K.A.M.I telah menamatkan latihan peringkat Lanjutan mereka dan graduan terpilih akan layak ke peringkat Duta di mana mereka akan dilatih dengan lebih mendalam lagi untuk menjadi pembimbing rakan sebaya dalam komuniti setempat.

Program tahun ini berjaya dilaksanakan dengan sumbangan CIMB Islamic melebihi RM360,000, menjadikan jumlah pelaburan terkumpul sebanyak RM460,000 setakat ini, sekali gus mengukuhkan komitmen CIMB Islamic terhadap kesihatan minda.

---

### Mengenai Thrive Well

Thrive Well adalah sebuah perusahaan sosial dengan misi untuk mengembangkan perkhidmatan kesihatan minda komuniti yang berkonsepkan trauma termaklum kepada golongan individu, komuniti dan organisasi terutamanya kepada masyarakat terpinggir dan berkeperluan tinggi secara mampan.

### Mengenai Teach for Malaysia

#### Siapakah kami?

Teach For Malaysia ialah sebuah organisasi bukan kerajaan dengan misi untuk memberi peluang kepada semua kanak-kanak untuk mendapatkan pendidikan yang cemerlang dalam kehidupan. Kami bekerjasama dengan Kementerian Pendidikan Malaysia untuk menyediakan perkhidmatan kepada sekolah awam yang memerlukan. Ia adalah salah satu daripada 60 rakan kongsi dalam rangkaian pendidikan global yang berprestij, *Teach For All*.

Sejak 2012, Teach For Malaysia telah membina gerakan transformasi dalam sistem pendidikan dengan meletakkan golongan pemimpin yang cemerlang sebagai guru sepenuh masa di beberapa sekolah yang berkeperluan tinggi di Malaysia untuk memerangi ketidaksamaan dalam pendidikan. Pada tahun 2020, kami mengembangkan kerja kami dengan melatih guru – guru di bawah sistem STEM dari sekolah awam melalui Program Duta Guru (PDG) selama 2 tahun. PDG adalah sebuah program pembangunan dengan objektif untuk memperkasakan guru menjadi lebih kompeten dan komited serta memainkan peranan sebagai suri teladan dalam meningkatkan kemahiran berfikir aras tinggi (KBAT) melalui pendidikan STEM sebagai asas untuk menjadi sebuah negara yang berdaya saing.

Sebagai tindak balas kepada kejadian pandemik Covid-19, TFM komited kepada Pelan Pemulihan Pendidikan 2023 yang berhasrat membangunkan guru dan menyokong pihak berkepentingan pendidikan untuk mengharungi jurang digital, kebimbangan kesejahteraan sosio-emosi di samping, mengadaptasi kepada teknik dan metodologi pengajaran yang inovatif untuk mengekalkan interaksi dengan pelajar.

**Impak:****Pencapaian tertinggi melibatkan pemerkasaan belia dalam Pendidikan**

Sejak penubuhan kami pada tahun 2012, inisiatif kolektif kami terdiri daripada hampir 583 Felo Teach For Malaysia, Program Duta Guru dan Alumni merentas 9 kohort yang telah memberi impak positif kepada lebih 164,200 pelajar di sekitar 308 sekolah yang terletak di 10 negeri di Malaysia.

Untuk maklumat lanjut sila layari: [2020 Impact Report](#).

**Tentang CIMB**

CIMB merupakan sebuah kumpulan perbankan yang terkemuka di ASEAN dan penyedia perkhidmatan kewangan yang kedua terbesar di Malaysia, mengikut saiz aset. Disenaraikan di Bursa Malaysia melalui CIMB Group Holdings Berhad, CIMB mempunyai permodalan pasaran sekitar RM54.0 billion setakat 30 June 2022. CIMB menawarkan produk dan perkhidmatan perbankan pengguna, perbankan komersial, perbankan borong, perbankan transaksi, perbankan Islam dan pengurusan aset. Berpusat di Kuala Lumpur, CIMB beroperasi di kesemua 9 negara anggota ASEAN (Malaysia, Indonesia, Singapura, Thailand, Kemboja, Brunei, Vietnam, Myanmar dan Filipina). Di luar ASEAN, CIMB Group turut beroperasi di pasaran China, Hong Kong, India, Korea Selatan, Amerika Syarikat dan UK.

CIMB memiliki salah satu rangkaian cawangan perbankan yang terluas di ASEAN dengan 601 buah cawangan dan sekitar 33,000 orang pekerja setakat 30 June 2023. Unit perbankan pelaburan CIMB merupakan salah sebuah bank pelaburan terbesar yang berpusat di Asia Pasifik yang, bersama-sama dengan unit perbendaharaan & pasaran peneraju serta unit perbankan korporat, merupakan francais perbankan borong terkemuka Kumpulan CIMB. CIMB juga memegang 92.5% saham di Bank CIMB Niaga, Indonesia dan 94.8% saham di CIMB Thai, Thailand.